

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno:	18 - 11 - 2022		
Org. jed.	Kl. ozna.	Red. broj	Br. priloga
01	18	2949	22

Broj: 02-19-2869/22-AP-4
Datum: 17.11.2022. godine

GRADSKO VIJEĆE ZAVIDOVIĆI
n/r PREDSJEDAVAJUĆA GRADSKOG VIJEĆA
mr. iur. Erna Merdić Smailhodžić

PREDMET: Prijedlog Odluke o izmjenama i dopunama
Odluke o zauzimanju javnih površina, dostavlja se

U prilogu akta dostavljam Vam Prijedlog Odluke o izmjenama i dopunama Odluke o zauzimanju javnih površina.

Prijedlog Odluke o izmjenama i dopunama Odluke o zauzimanju javnih površina sa obrazloženjem i zaključkom gradonačelnika, dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

Obzirom da se ne radi o obimnoj i složenoj Odluci predlažem da Gradsko vijeće Zavidovići Prijedlog Odluke razmatra po skraćenom postupku bez Nacrta u skladu sa članom 130. stav (1) Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/2014 – prečišćeni tekst, 08/2014, 9/2014, 08/2018, 8/2019, 4/2021 i 4/2022).

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI

Služba za upravu poljoprivrede,
vodoprivrede i komunalnih poslova
Broj: 08-45-23/22-AP-206
Datum: 08.11.2022. godine



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno:	09 - 11 - 2022		
Org. jed.	Kl. ozn.	Red. broj	Br. priloga
02	19	2869	122

STRUČNA SLUŽBA GRADONAČELNIKA
-OVDJE-

PREDMET: Odluka, dostavlja se

U prilogu ovog akta dostavljamo vam Prijedlog Odluke o izmjeni Odluke o zauzimanju javnih površina, na dalju proceduru.

Dostavljeno:

1. Naslovu,
2. A/A.

POMOĆNIK GRADONAČELNIKA
Bašić Izet dipl.ing.agr.

Obradila: Pašić Adisa

Adisa



Broj: 02-19-2869/22-AP-2
Datum: 17.11.2022. godine

Na osnovu člana 6. Zakona o građevinskom zemljištu („Službene novine FBiH”, broj: 25/03 i 67/05), i člana 10. Privremene Statutarne Odluke Grada Zavidovići („Službeni glasnik Općine Zavidovići“ broj: 4/22) Gradsko vijeće Zavidovići na __. sjednici, održanoj __. __. 2022. godine, donijelo je

O D L U K U
o izmjenama i dopunama Odluke o zauzimanju javnih površina

Član 1.
(Odobrenje za korištenje)

U članu 10. stav (2) Odluke o zauzimanju javnih površina („Službeni glasnik Općine Zavidovići“, broj: 8/2017, 4/2018 i, 6/19), briše se.
Dosadašnji stavovi (3) i (4) postaju stavovi (2) i (3).

Član 2.
(Zauzimanje javne površine ispred ugostiteljskih objekata)

U članu 20. stav (3) Odluke o zauzimanju javnih površina mijenja se i glasi: „Dozvoljava se zauzimanje javne gradske površine ispred ugostiteljskih objekata radi postavljanja stolova i stolica samo po odobrenju nadležnog organa Grada Zavidovići.“

U članu 20. stav (4) mijenja se i glasi: „Odobrenje za zauzimanje javne gradske površine iz prethodnog stava izdavat će se bez naknade.“

U članu 20. stav (5), briše se.

Član 3.
(Zauzimanje javne površine ispred trgovačke radnje)

U članu 22. stav (1) Odluke o zauzimanju javnih površina mijenja se i glasi: „Ispred trgovačkih radnji dozvoljava se zauzimanje javne gradske površine maksimalno do 10 m² u svrhu izlaganja voća, povrća, tekstilne robe, igračaka, autoguma i srodnih proizvoda za specijalizirane prodavnice, samo po odobrenju nadležnog organa Grada Zavidovići.“

U članu 22. stav (2) mijenja se i glasi: „Odobrenje za zauzimanje javne gradske površine iz prethodnog stava izdavat će se bez naknade.“

Član 4.

(Zauzimanje javne površine ispred specijalizirane trgovačke radnje)

U članu 23. stav (1) Odluke o zauzimanju javnih površina mijenja se i glasi:
„Ispred trgovačkih radnji „Cvjećara” i „Poljoprivrednih apoteka” dozvoljava se izlaganje cvijeća i drugih srodnih proizvoda iz te djelatnosti (saksije, humus, biljni preparati, sadni materijal i dr.), samo uz odobrenje nadležnog organa Grada Zavidovići.“

U članu 23. iza stava (1) dodaje se novi stav (2) koji glasi: „Odobrenje za zauzimanje javne gradske površine iz prethodnog stava izdavat će se bez naknade.“

Član 5.

(Stupanje na snagu)

Ova Odluka stupa na snagu osmog dana od dana objavljivanja u „Službenom glasniku Grada Zavidovići”, a primjenjivat će se od 01.01.2023. godine.

PREDSJEDAVAJUĆA
GRADSKOG VIJEĆA

mr. iur. Erna Merdić Smailhodžić

O B R A Z L O Ž E N J E

USTAVNOPRAVI I ZAKONSKI OSNOV ZA UVOĐENJE ODLUKE

U članu 6. Zakona o građevinskom zemljištu ("Službene novine FBiH", broj: 25/03 i 67/05) određeno je da: „Općina upravlja i raspolaže gradskim građevinskim zemljištem u državnoj svojini na način i pod uslovima predviđenim zakonom i propisima donesenim na osnovu zakona“.

U članu 10. stav (1), tačka (29) Privremene Statutarne Odluke Grada Zavidovići („Službeni glasnik Općine Zavidovići“, broj: 4/22) određeno je: „Gradsko vijeće u okviru svoje nadležnosti donosi odluke i druge opće akte kojima uređuje pitanja iz samoupravnog djelokruga Grada.“

RAZLOZI ZA UVOĐENJE ODLUKE I OBJAŠNJENJE ODABRANE POLITIKE

U cilju pružanja potpore ugostiteljima i trgovcima Grada Zavidovići radi lakšeg prevazilaženja teškoća u poslovanju i održivosti radnih mjesta u ugostiteljstvu i trgovini predlaže se izmjena Odluke za zauzimanje javnih površina, na način da se ugostitelji i trgovci oslobode obaveze plaćanja naknade za zauzimanja javnih površina ispred ugostiteljskih objekata i trgovačkih radnji.

ODREDBE ODLUKE KOJE SE MIJENJAJU

Član 10.

(Odobrenje za korištenje)

- (1) Odobrenje za korištenje dijela javne površine ne može se izdati prije nego što podnosilac zahtjeva predloži dokaz o izvršenoj uplati ukupne naknade u skladu sa ovom Odlukom.
- (2) Podnosiocu zahtjeva neće se izdati odobrenje za privremeno zauzimanje javne površine ukoliko organ po službenoj dužnosti utvrdi da ima dugovanja po osnovu naknade za zauzimanje javne površine, komunalne naknade za finansiranje komunalne djelatnosti zajedničke potrošnje u Općini Zavidovići, naknade za korištenje gradskog građevinskog zemljišta i naknade za finansiranje zaštite od požara općine Zavidovići zaključno sa krajem godine koja prethodi godini u kojoj se podnosi zahtjev te ukoliko kiosk, štand, ljetna bašta i prostor za izlaganje postoje, a nisu predviđeni Planom za zauzimanje javne površine.
- (3) Ukoliko podnosilac zahtjeva ima dugovanja po osnovu naknada navedenih u stavu 2. ovog člana, organ će u skladu sa Zakonom odrediti rok za izmirenje duga.

Član 20.

(Naknada za ljetnu baštu)

- (1) Ugostitelji mogu ispred svojih objekata kao i na javnim površinama postavljati stolove i stolice u cilju formiranja ljetnih bašta. Mjesto gdje su stolovi i stolice postavljeni može biti ograđeno pokretnom ogradom od materijala kojim se ne može nanijeti povreda prolaznicima, ograda mora biti unutar odobrenog prostora za korištenje visine do 1 m i obojena, zaštita od sunca i kiše - suncobran, rolo ili montažno-demontažna tenda koja se može lahko ukloniti prema obliku prostora ljetne bašte.
- (2) Između stolova mora biti ostavljen dovoljan prolaz za pješake.

(3) Za zauzimanje javne površine radi postavljanja stolova i stolica određuje se mjesečna naknada kako slijedi:

a) naknada za I zonu iznosi	6,00 KM po 1 m ²
b) naknada za II zonu iznosi	5,50 KM po 1 m ²
c) naknada za III zonu iznosi	5,00 KM po 1 m ²
d) naknada za IV zonu iznosi	4,50 KM po 1 m ²
e) naknada za V zonu iznosi	4,00 KM po 1 m ²
f) naknada za VI zonu iznosi	3,50 KM po 1 m ²

(4) Naknada iz prethodnog stava predstavlja početnu naknadu prilikom dodjele lokacije za postavljanje bašte iz člana 5. stav 1. tačka b). ove Odluke.

(5) Ugostiteljski objekti tipa: čevabdžinice, buregdžinice, slastičarne i objekti brze hrane plaćaju 50% naknade iz prethodnog stava.

Član 22.

(Naknada za tezgu ispred trgovačke radnje)

(1) Ispred trgovačkih radnji dozvoljava se zauzimanje javne gradske površine maksimalno do 10 m² u svrhu izlaganja voća, povrća, tekstilne robe, igračaka, auto guma i srodnih proizvoda za specijalizirane prodavnice, samo po odobrenju nadležnog općinskog organa.

(2) Za zauzimanje javne površine u svrhu izlaganja navedenih proizvoda određuje se mjesečna naknada kako slijedi:

a) naknada za I zonu iznosi	7.00 KM po 1 m ²
b) naknada za II zonu iznosi	6.00 KM po 1 m ²
c) naknada za III zonu iznosi	5.00 KM po 1 m ²
d) naknada za IV zonu iznosi	4,00 KM po 1 m ²
e) naknada za V zonu iznosi	3.00 KM po 1 m ²
f) naknada za VI zonu iznosi	2.00 KM po 1 m ²

Član 23.

(Naknada za tezgu ispred specijalizirane trgovačke radnje)

(1) Ispred trgovačkih radnji "Cvjećara" i "Poljoprivrednih apoteka" dozvoljava se izlaganje cvijeća i drugih srodnih proizvoda iz te djelatnosti (saksije, humus, biljni preparati, sadni materijal i dr.) uz mjesečnu naknadu kako slijedi:

a) naknada za I zonu iznosi	5.00 KM po 1 m ²
b) naknada za II zonu iznosi	4,00 KM po 1 m ²
c) naknada za III zonu iznosi	3.00 KM po 1 m ²
d) naknada za IV zonu iznosi	2.50 KM po 1 m ²
e) naknada za V zonu iznosi	2.00 KM po 1 m ²
f) naknada za VI zonu iznosi	1.50 KM po 1 m ²


OPIS KONSULTACIJA VOĐENIH U PROCESU IZRADE ODLUKE

Prilikom izrade ove Odluke konsultovani su navedeni propisi koji su i pravni osnov za donošenje Odluke.


OBRAZLOŽENJE FINANSIJSKIH SREDSTVA ZA PROVOĐENJE PROPISA I FINANSIJSKI EFEKTI ODLUKE

Primjenom ove Odluke u Budžetu Grada Zavidovići doći će do smanjenja prihoda po osnovu zauzimanja javnih površina jer se Odlukom ukida naknada za zauzimanje javnih površina ispred ugostiteljskih objekata i trgovačkih radnji u iznosu cca 28.000,00 KM.

Obradila:



(Adisa Pašić)

Kontrolisao:


(Izet Bašić)



GRADONAČELNIK


doc. dr. Hašim Mujanović



Broj: 02-19-2869/22-AP-3
Datum: 17.11.2022. godine

Na osnovu člana 11. Poslovnika o radu Kolegija Općinskog načelnika („Službeni glasnik Općine Zavidovići“, broj: 1/2017), Kolegij Gradonačelnika Zavidovići na 4. sjednici održanoj 17.11.2022. godine razmatrao je Prijedlog Odluke o izmjenama i dopunama Odluke o zauzimanju javnih površina, te nakon rasprave Gradonačelnik donosi

ZAKLJUČAK


1. Utvrđuje se Prijedlog Odluke o izmjenama i dopunama Odluke o zauzimanju javnih površina, koji je pripremila Služba za upravu poljoprivrede, vodoprivrede i komunalnih poslova.
2. Prijedlog Odluke o izmjenama i dopunama Odluke o zauzimanju javnih površina sa obrazloženjem dostavlja se Gradskom vijeću Zavidovići na razmatranje.
3. O realizaciji ovog Zaključka starat će se Stručna služba gradonačelnika.

Dostavljeno:

1. Gradsko vijeće Zavidovići,
2. U spis.

GRADONAČELNIK

doc. dr. Hašim Mujanović



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE

-631-



Broj: 01-23-2393/17-AP-11

Datum: 12.09.2017. godine

Na osnovu člana 6. Zakona o građevinskom zemljištu ("Službene novine FBiH", broj: 25/03), i člana 25. stav 1. tačka 10. Statuta Općine Zavidovići („Službeni glasnik Općine Zavidovići“, broj: 5/2008 i 5/a/2008), Općinsko vijeće Zavidovići na 11. sjednici održanoj dana 12.09.2017. godine, donijelo je

ODLUKU

o zauzimanju javnih površina

I – OPĆE ODREDBE

Član 1.

(Predmet)

(1) Ovom Odlukom određuju se opći uslovi za davanje na privremeno korištenje javnih površina na području općine Zavidovići.

(2) Pod privremenim korištenjem (zauzimanjem javne površine) podrazumijeva se pravo postavljanja objekata na dijelu javne površine na određeno vrijeme, na način koji ne utiče na promjenu karaktera javne površine.

Član 2.

(Javne površine)

(1) Javnim površinama u smislu ove Odluke smatraju se površine zemljišta koje su namijenjene općoj upotrebi a to su:

a) javne saobraćajne površine: ulice, ceste, trgovi, javni prolazi, javna stepeništa, mostovi, skverovi, javna parkirališta, pločnici, kao i ostale površine javnog saobraćaja u mirovanju,

b) javne zelene površine: parkovi, drvoredi, posude sa ukrasnim biljem, živice i žive ograde, travnjaci, obale rijeka i vodotoka, dječija igrališta, zelene površine uz cestu u naselju, uz stambene, stambeno-poslovne i javne objekte, šumski pojas i ostale slične površine,

c) uređene površine za rekreaciju, sportska igrališta, te ostali javni sportski objekti i uređaji na njima, kao i prostori povezani sa tim terenima i prostor oko njih,

d) željeznički peroni, stajališta javnog autobusnog saobraćaja i prostor oko benzinskih stanica,

e) otvoreni pijačni i tržni prostori oko prodajnih objekata, prostor oko gradskih česmi,

f) neuređene javne površine i prostori i neizgrađena građevinska zemljišta.

Član 3.

(Plan korištenja javnih površina)

(1) Plan korištenja javnih površina donosi Općinsko vijeće do 31. decembra tekuće godine za narednu godinu.

(2) Plan iz prethodnog stava sadrži detaljno označene površine na kojima se može vršiti privremeno zauzimanje, urbanističko-tehničke uslove i druge elemente potrebne za izdavanje odobrenja za zauzimanje javne površine.

(3) Zauzimanje i korištenje javnih površina vrši se na osnovu odobrenja o zauzimanju javne površine izdatog od strane Službe za upravu poljoprivrede, vodoprivrede i komunalnih poslova.

Član 4.
(Korisnik)

Korisnik javne površine može istu koristiti samo u svrhe i način određen ovom Odlukom u skladu sa odobrenjem za korištenje.

Član 5.
(Svrha korištenja javnih površina)

- (1) Javne površine mogu se davati na privremeno korištenje u skladu sa zakonom:
- a) za postavljanje tipskih kioska namijenjenih za prodaju i pružanje usluga putem šaltera,
 - b) za postavljanje ljetnih bašti za pružanja ugostiteljskih usluga izvan ugostiteljskih objekata i prostora,
 - c) za postavljanje ljetnih bašti za pružanje ugostiteljskih usluga ispred ugostiteljskih objekata,
 - d) za postavljanje tezgi ispred trgovačkih radnji, rashladnih uređaja, knjiga, cvijeća, ukrasnih predmeta, pokretnih tezgi i info-pulteve za prikupljanje humanitarne pomoći i dijeljenje promotivnog materijala, aparata za kokice i sladoled i sl. čime se ne remete osnovni elementi korištenja javnih površina i ne remeti rad postojećih objekata,
 - e) za postavljanje građevinskih fasadnih skela, radova na čišćenju i popravci vanjskih dijelova zgrada i njihovih uređaja,
 - f) za smještaj, odnosno postavljanje cirkusa, luna parkova, ringišpila i drugih zabavnih radnji – igara,
 - g) za prodaju bostana,
 - h) za prezentaciju, degustaciju i kulturne manifestacije,
 - i) za prodaju ogrijeva (uglja i drva).

Član 6.
(Zabrane korištenje javne površine)

(1) Niko ne smije početi koristiti javnu površinu prije nego što na način propisan ovom Odlukom, pribavi odobrenje za korištenje i plati određenu naknadu, ako ovom Odlukom nije drugačije određeno.

(2) Odobrenje za korištenje i potvrdu o uplaćenju naknadi korisnik je obavezan imati kod sebe cijelo vrijeme korištenja javne površine. Ove isprave korisnik je obavezan pokazati na zahtjev ovlaštenog lica organa uprave.

Član 7.
(Obaveze korisnika)

Zauzetu javnu površinu kao i objekte na istoj korisnik je obavezan održavati u uzornom redu i čistoći. Nakon prestanka korištenja korisnik je obavezan ukloniti sve tragove svog korištenja javne površine tj. treba je dovesti u stanje prije početka korištenja.

Član 8.
(Način dodjele javnih površina na korištenje)

- (1) Dodjela lokacija za korištenje dijela javnih površina vršit će se na slijedeći način:
- a) za namjene iz člana 5. stav 1. tačke a), b) i g), ove Odluke na osnovu javnog oglasa – putem licitacije,

b) za ostale namjene na osnovu odobrenja za korištenje izdatog od strane Službe za upravu poljoprivrede, vodoprivrede i komunalnih poslova. Administrativno – tehničke poslove vezane za javno oglašavanje, provođenja licitacije, pripremanja odobrenja kao i naplatu korištenja javnih površina vrši Služba za upravu poljoprivrede, vodoprivrede i komunalnih poslova.

II – ODOBRENJE O ZAUZIMANJU JAVNE POVRŠINE

Član 9.

(Zahtjev za izdavanje odobrenja)

(1) Zahtjev za izdavanje odobrenja za korištenje javne površine podnosi se Službi za upravu poljoprivrede, vodoprivrede i komunalnih poslova.

(2) Zahtjev za izdavanje odobrenja podnosi lice zainteresovano za korištenje javne površine, a u slučajevima kada se pravo korištenja stekne putem licitacije odobrenje se izdaje po službenoj dužnosti uz zaključivanje ugovora o korištenju javne površine.

(3) Zahtjev za izdavanje odobrenja za korištenje javne površine treba da sadrži:

- a) ime i prezime, odnosno firmu i adresu podnosioca zahtjeva, naziv lokacije,
- b) opis djelatnosti koja će se obavljati na javnoj površini,
- c) period zauzimanja javne površine,
- d) privremenu urbanističku saglasnost za lokacije koje nisu obuhvaćene Planom.

(4) Uz zahtjev za izdavanje odobrenja za postavljanje fasadnih skela potrebno je priložiti:

- a) rješenje o odobrenju izvođenja radova,
- b) skicu zauzimanja dijela javne površine izrađenu od ovlaštenog pravnog lica.

Član 10.

(Odobrenje za korištenje)

(1) Odobrenje za korištenje dijela javne površine ne može se izdati prije nego što podnositelj zahtjeva predloži dokaz o izvršenoj uplati ukupne naknade u skladu sa ovom Odlukom.

(2) Podnosiocu zahtjeva neće se izdati odobrenje za privremeno zauzimanje javne površine ukoliko organ po službenoj dužnosti utvrdi da ima dugovanja po osnovu naknade za zauzimanje javne površine, komunalne naknade za finansiranje komunalne djelatnosti zajedničke potrošnje u općini Zavidovići, naknade za korištenje gradskog građevinskog zemljišta i naknade za finansiranje zaštite od požara općine Zavidovići zaključno sa krajem godine koja prethodi godini u kojoj se podnosi zahtjev te ukoliko kiosk, štand, ljetna bašta i prostor za izlaganje postoje, a nisu predviđeni Planom za zauzimanje javne površine.

(3) Ukoliko podnositelj zahtjeva ima dugovanja po osnovu naknada navedenih u stavu 2. ovog člana, organ će u skladu sa Zakonom odrediti rok za izmirenje duga.

Član 11.

(Period izdavanja odobrenja)

(1) Odobrenje za privremeno zauzimanje javne površine ispred ugostiteljskih radnji izdaje se tokom cijele godine, odnosno u periodu od 01. januara do 31. decembra.

(2) Odobrenje za privremeno zauzimanje javne površine ispred trgovačkih radnji izdaje se na period od 01. januara do 31. decembra.

(3) Odobrenje za privremeno zauzimanje javne površine radi prodaje ogrijeva (uglja i drva) izdaje se na period od 01. septembra do 30. aprila.

-634-

Član 12.

(Sadržaj odobrenja)

- (1) Odobrenje za korištenje javne površine sadrži:
- a) ime i prezime, odnosno naziv preduzeća i adresu podnosioca zahtjeva,
 - b) odobrenu lokaciju,
 - c) opis, dimenzije, namjenu objekta, odnosno opis djelatnosti, te urbanističko-tehničke uslove za korištenje, date Planom,
 - d) površinu zauzete javne površine u m²,
 - e) visina naknade za zauzetu javnu površinu,
 - f) vremenski period za koji se izdaje odobrenje za korištenje.
- (2) Odobrenje za korištenje dijela javne površine izdaje se na određeno vrijeme u skladu sa odredbama ove Odluke.
- (3) Izuzetno od prethodnog stava, odobrenje za zauzimanje javnih površina zbog postavljanja kioska iz člana 5. stav 1. tačka 1. izdaje se na period do 5 godina.

Član 13.

(Registar)

O primljenim zahtjevima za izdavanje odobrenja za korištenje kao i o izdatim odobrenjima nadležni organ vodi posebnu evidenciju.

Član 14.

(Prestanak važenja odobrenja)

- (1) Odobrenje za korištenje prestaje važiti i prije isteka vremena na koje je izdato u slučajevima:
- a) ako korisnik ne koristi javnu površinu na način i u svrhe kako je određeno ovom Odlukom, odnosno odobrenjem za korištenje,
 - b) ako zauzme veću površinu od odobrene,
 - c) ako na zauzetoj javnoj površini obavlja djelatnost lica koje nije navedeno u odobrenju za korištenje,
 - d) ako korisnik bude tri ili više puta u toku kalendarske godine kažnjavan za prekršaj zbog nepridržavanje ove Odluke ili drugih važećih propisa,
 - e) ako objektivne potrebe nalažu drugačiji način korištenja javne površine na koju se odnosi odobrenje za korištenje,
 - f) ako se utvrdi da je korisniku javne površine pravosnažnom odlukom nadležnog organa zabranjeno obavljanje privredne djelatnosti naveden u odobrenju za korištenje i ako odstupi od dozvoljene djelatnosti.
- (2) Prestanak važenja odobrenja iz razloga navedenih u stavu (1) ove Odluke utvrđuje rješenjem nadležni organ uprave i isto dostavlja korisniku javne površine

III – NAKNADE ZA ZAUZIMANJE JAVNIH POVRŠINA

Član 15.

(Naknada)

- (1) Za privremeno korištenje javnih površina plaća se naknada. Naknada je prihod općine Zavidovići.
- (2) Plaćanje naknade ne isključuje plaćanje ostalih propisanih obaveza.

Član 16.

(Način raspolaganja sredstvima)

Sredstva od naplaćene naknade koriste se namjenski za uređenje i održavanje javnih površina.

-635-

Član 17.

(Naknada za sezonsko korištenje javnih površina)

(1) Za zauzimanje javne površine određuje se naknada kako slijedi:

a) zauzimanje javne površine za jedan dan za vrijeme praznika i drugih prigodnih svečanosti plaća se naknada na površinu do 5 m² u iznosu od 20,00 KM, a na površinu do 10 m² plaća se naknada u iznosu od 30,00 KM (prodaja cvijeća, čestitki i dr.),

b) za sezonsko zauzimanje javne površine za prodaju bostana određuje se početna naknada koja se plaća mjesečno u iznosu od 100,00 KM i to na prodajnu površinu do 50 m²

c) za sezonsko zauzimanje javne površine za prodaju ogrijeva (uglja i drva), određuje se mjesečna naknada u iznosu od 100,00 KM, i to za prodajnu površinu od 200 m².

Član 18.

(Naknada za prodaju kokica, sladoleda i kukuruza)

(1) Za zauzimanje javne gradske površine u svrhu prodaje kokica, pomfrita, kukuruza, sladoleda, i drugih sličnih proizvoda koji se pripremaju na licu mjesta, prije pribavljanja odobrenja potrebno je prethodno pribaviti sanitarnu saglasnost.

(2) Za zauzimanje javne gradske površine u svrhu prodaje naznačenih proizvoda određuje se paušalna naknada za jedan mjesec kako slijedi:

a) naknada za I zonu iznosi	60,00 KM po m ²
b) naknada za II zonu iznosi	50,00 KM po m ²
c) naknada za III zonu iznosi	40,00 KM po m ²
d) naknada za IV zonu iznosi	30,00 KM po m ²
e) naknada za V zonu iznosi	20,00 KM po m ²
f) naknada za VI zonu iznosi	10,00 KM po m ²

(3) Za zauzimanje javne gradske površine u cilju postavljanja rashladnih uređaja za prodaju sladoleda određuje se mjesečna naknada u iznosu od 100,00 KM u svim zonama.

Član 19.

(Početna naknada za postavljanje kioska)

(1) Za zauzimanje javne gradske površine, a radi postavljanja kioska koji služe za obavljanje djelatnosti, određuje se mjesečna naknada kako slijedi:

a) naknada za I zonu iznosi	5,00 KM po m ²
b) naknada za II zonu iznosi	4,50 KM po m ²
c) naknada za III zonu iznosi	4,00 KM po m ²
d) naknada za IV zonu iznosi	3,50 KM po m ²
e) naknada za V zonu iznosi	3,00 KM po m ²
f) naknada za VI zonu iznosi	2,50 KM po m ²

(2) Naknada iz prethodnog stava predstavlja početnu naknadu prilikom dodjele lokacije za postavljanje kioska putem javnog oglasa - licitacije.

Član 20.

(Naknada za ljetnu baštu)

(1) Ugostitelji mogu ispred svojih objekata kao i na javnim površinama postavljati stolove i stolice u cilju formiranja ljetnih bašta. Mjesto gdje su stolovi i stolice postavljeni može biti ograđeno pokretnom ogradom od materijala kojim se ne može nanijeti povreda prolaznicima, ograda mora biti unutar odobrenog prostora za korištenje visine do 1 m i obojena, zaštita od sunca i kiše - suncobran, rolo ili montažno-demontažna tenda koja se može lahko ukloniti prema obliku prostora ljetne bašte.

(2) Između stolova mora biti ostavljen dovoljan prolaz za pješake.

(3) Za zauzimanje javne površine radi postavljanja stolova i stolica određuje se mjesečna naknada kako slijedi:

- | | |
|-------------------------------|-----------------------------|
| a) naknada za I zonu iznosi | 6,00 KM po 1 m ² |
| b) naknada za II zonu iznosi | 5,50 KM po 1 m ² |
| c) naknada za III zonu iznosi | 5,00 KM po 1 m ² |
| d) naknada za IV zonu iznosi | 4,50 KM po 1 m ² |
| e) naknada za V zonu iznosi | 4,00 KM po 1 m ² |
| f) naknada za VI zonu iznosi | 3,50 KM po 1 m ² |

(4) Naknada iz prethodnog stava predstavlja početnu naknadu prilikom dodjele lokacije za postavljenje bašte iz člana 5. Stav 1. tačka b). ove Odluke.

(5) Ugostiteljski objekti tipa: čevabdžinice, buregdžinice, slastičarne i objekti brze hrane plaćaju 50% naknade iz prethodnog stava.

Član 21.

(Naknada u svrhu zabave za djecu)

(1) Zauzimanje javne gradske površine u svrhu organizovanja zabave za djecu (autići i dr.) određuje se mjesečna paušalna naknada kako slijedi:

- | | |
|-------------------------------|----------|
| a) naknada za I zonu iznosi | 80,00 KM |
| b) naknada za II zonu iznosi | 70,00 KM |
| c) naknada za III zonu iznosi | 60,00 KM |
| d) naknada za IV zonu iznosi | 50,00 KM |
| e) naknada za V zonu iznosi | 40,00 KM |
| f) naknada za VI zonu iznosi | 30,00 KM |

Član 22.

(Naknada za tezgu ispred trgovačke radnje)

(1) Ispred trgovačkih radnji dozvoljava se zauzimanje javne gradske površine maksimalno do 10 m² u svrhu izlaganja voća, povrća, tekstilne robe, igračaka, auto guma i srodnih proizvoda za specijalizirane prodavnice, samo po odobrenju nadležnog općinskog organa.

(2) Za zauzimanje javne površine u svrhu izlaganja navedenih proizvoda određuje se mjesečna naknada kako slijedi:

- | | |
|-------------------------------|-----------------------------|
| a) naknada za I zonu iznosi | 7,00 KM po 1 m ² |
| b) naknada za II zonu iznosi | 6,00 KM po 1 m ² |
| c) naknada za III zonu iznosi | 5,00 KM po 1 m ² |
| d) naknada za IV zonu iznosi | 4,00 KM po 1 m ² |
| e) naknada za V zonu iznosi | 3,00 KM po 1 m ² |
| f) naknada za VI zonu iznosi | 2,00 KM po 1 m ² |

Član 23.

(Naknada za tezgu ispred specijalizirane trgovačke radnje)

(1) Ispred trgovačkih radnji "Cvjećara" i "Poljoprivrednih apoteka" dozvoljava se izlaganje cvijeća i drugih srodnih proizvoda iz te djelatnosti (saksije, humus, biljni preparati, sadni materijal i dr.) uz mjesečnu naknadu kako slijedi:

- | | |
|-------------------------------|-----------------------------|
| a) naknada za I zonu iznosi | 5,00 KM po 1 m ² |
| b) naknada za II zonu iznosi | 4,00 KM po 1 m ² |
| c) naknada za III zonu iznosi | 3,00 KM po 1 m ² |
| d) naknada za IV zonu iznosi | 2,50 KM po 1 m ² |

- | | |
|------------------------------|-----------------------------|
| e) naknada za V zonu iznosi | 2.00 KM po 1 m ² |
| f) naknada za VI zonu iznosi | 1.50 KM po 1 m ² |

Član 24.

(Naknada za postavljanje bine)

(1) Za održavanje koncerata, pozorišnih predstava, cirkusa, luna parkova i sl., može se odobriti zauzimanje javne površine u svrhu postavljanja bina, šatora i uređaja na mjestima koja su pogodna za te namjene.

(2) Za zauzimanje javne površine za održavanje koncerata, pozorišnih predstava i slično određuje se dnevna naknada u iznosu 1KM/m² zauzete javne površine.

(3) Za zauzimanje javne površine od strane cirkusa, luna parka i slično određuje se mjesečna naknada kako slijedi:

- | | |
|-------------------------------|-----------------------------|
| a) naknada za I zonu iznosi | 3.90 KM po 1 m ² |
| b) naknada za II zonu iznosi | 3.25 KM po 1m ² |
| c) naknada za III zonu iznosi | 2.60 KM po 1 m ² |
| d) naknada za IV zonu iznosi | 1,95 KM po 1m ² |
| e) naknada za V zonu iznosi | 1.30 KM po 1m ² |
| f) naknada za VI zonu iznosi | 0.65 KM po 1m ² |
- (4) Naknada iz prethodnog stava određuje se za svaki započeti mjesec.

Član 25.

(Vanurbano područje)

Za zauzimanje javne površine izvan urbanog dijela općine Zavidovići plaća se naknada u iznosu od 30% manje u odnosu na I (prvu zonu) u urbanom dijelu općine Zavidovići.

Član 26.

(Info pult i pokretna tezga)

(1) Za postavljanje infopulteva i pokretnih tezgi za sakupljanje pomoći i dijeljenje promotivnog materijala nije potrebno pribavljati odobrenje nadležnog organa.

(2) Prije postavljanja infopulteva i pokretnih tezgi za sakupljanje pomoći i dijeljenje promotivnog materijala korisnici javne površine dužni su sedam dana prije obavijestiti nadležnu općinsku inspekciju.

(3) Za korištenje javne površine u svrhe navedene u stavu 1. ovog člana ne plaća se naknada.

IV – NADZOR I UPRAVNE MJERE**Član 27.**

(Inspeksijski nadzor)

(1) Nadzor nad provođenjem ove Odluke vrše nadležni inspeksijski organi Općine.

(2) Prilikom obavljanja nadzora, organ nadzora ima pravo i dužnost da od osoba koje zatekne u korištenju javnih površina zatraži na uvid odobrenje o korištenju i potvrdu o uplaćenju naknadi.

(3) Ako osoba iz prethodnog stava odbije da pokaže tražene isprave ili ako ih iz neopravdanih razloga nije u stanju pokazati organ nadzora donosi rješenje o zabrani korištenja javne površine.

(4) Kad organ nadzora utvrdi da su nastupile okolnosti iz člana 14. ove Odluke, ili kad utvrdi da se javna površina koristi suprotno odredbama člana 6. ove Odluke naredit će pisanim

rješenjem korisniku da bez odlaganja prestane koristiti zauzetu javnu površinu i da je u određenom roku dovede u stanje prije početka korištenja.

(5) Organ nadzora će o preduzetim mjerama iz stava 4. Ovog člana obavijestiti Općinskog pravobranioca radi preduzimanja mjera iz njegove nadležnosti.

(5) Ako korisnik javne površine ne postupi po rješenju iz prethodnog stava, organ nadzora odredit će da se potrebne radnje izvrše po trećoj osobi, a na teret korisnika koji nije izvršio rješenje u ostavljenom roku.

V – KAZNENE ODREDBE

Član 28.

(Prekršaj pravnog lica i odgovornog lica u pravnom licu)

(1) Novčanom kaznom od 500,00 KM do 2.000,00 KM kaznit će se za prekršaj pravno lice ako:

- a) javnu površinu koristi suprotno odredbama člana 4. stav 1. ove Odluke,
- b) javnu površinu izdaje drugom licu,
- c) nakon isteka roka za zauzimanje javne površine ne ukloni tragove korištenja,
- d) započne korištenje javne površine prije nego pribavi odobrenje za korištenje i ne uplati određenu naknadu,
- e) ne postupi po rješenju nadležnog inspeksijskog organa Općine.

(2) Za prekršaj iz stava (1) ovog člana kaznit će se odgovorno lice u pravnom licu novčanom kaznom od 250,00 KM do 500,00 KM.

Član 29.

(Prekršaj fizičkog lica)

Za prekršaj iz člana 28. ove Odluke kaznit će se fizičko lice novčanom kaznom od 200,00 KM do 500,00 KM.

Član 30.

(Prekršaj pravnog lica i odgovornog lica u pravnom licu)

- (1) Novčanom kaznom od 500,00 KM do 1.500,00 KM kaznit će se pravno lice ako:
- a) zauzetu javnu površinu kao i objekte na njoj ne održava u uzornom redu i čistoći,
 - b) na zahtjev organa nadzora iz bilo kojeg razloga ne pokaže odobrenje za korištenje i potvrdu o plaćenju naknadi,
 - c) ne postupi po rješenju nadležnog inspeksijskog organa Općine.

(2) Za prekršaj iz stava (1) ovog člana kaznit će se odgovorno lice u pravnom licu novčanom kaznom od 250,00 KM do 500,00 KM.

Član 31.

(Prekršaj fizičkog lica)

Za prekršaj iz člana 30. ove Odluke kaznit će se fizičko lice novčanom kaznom od 200,00 KM do 500,00 KM.

VI – PRELAZNE I ZAVRŠNE ODREDBE

Član 32.

(Rješenja)

Rješenja za zauzimanje javne površine, koja su izdata do dana stupanja na snagu ove Odluke, u iznosima utvrđenim u skladu sa Odlukom iz člana 33. ove Odluke, ostaju na snazi do 31.12.2017. godine.

-639-

Član 33.

(Prestanak primjene ranijih propisa)

Stupanjem na snagu ove Odluke prestaju da važe odredbe Odluke o zauzimanju javnih površina –prečišćeni tekst ("Službeni glasnik Općine Zavidovići", broj: 3/2009) i Odluke o izmjenama i dopunama Odluke o zauzimanju javnih površina ("Službeni glasnik Općine Zavidovići", broj: 6/2011, 11/2013, 3/2014, 1/2015 i 11/2015).

Član 34.

(Stupanje na snagu)

Ova Odluka stupa na snagu prvog narednog dana od dana objavljivanja u „Službenom glasniku Općine Zavidovići“, a primjenjivat će se od 01.01.2018. godine.

PREDSJEDAVAJUĆI
OPĆINSKOG VIJEĆA

(M.P.)

Redžo Seferović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-05-1160/18-AP-5

Datum: 30.04.2018. godine

Na osnovu člana 6. Zakona o građevinskom zemljištu („Službene novine FBiH“, broj: 25/03) i člana 25. stav 1. tačka 10. Statuta Općine Zavidovići („Službeni glasnik Općine Zavidovići“, broj: 5/2008 i 5/a/2008). Općinsko vijeće Zavidovići, na 21. sjednici održanoj 30.04. 2018. godine, donosi

O D L U K U

o izmjenama i dopunama Odluke o zauzimanju javnih površina

Član 1.

U članu 5. stav (1) Odluke o zauzimanju javnih površina („Službeni glasnik Općine Zavidovići“, broj: 8/2017), iza tačke d) dodaje se nova tačka e) koja glasi: „e) za postavljanje javnih satova sa reklamom,“.

U tački g), iza riječi „bostana,“ dodaju se riječi: „sezonskog voća i povrća,“.

Dosadašnje tačke e), f), g), h), i) postaju tačke f), g), h), i), j).

Član 2.

U članu 8. stav (1), tačka a), slova i oznake „b) i g)“ zamjenjuju se slovima i oznakama „e), h) i j)“.

Iza tačke a) dodaje se nova tačka b) koja glasi: „b) za namjenu iz člana 5. stav (1) tačka e) Općinski načelnik će donijeti poseban elaborat koji će sadržavati broj i mjesto lokacija za postavljanje javnih satova sa reklamom, osnovne tehničke karakteristike, kriterije za bodovanje i odabir lica za dodjelu lokacija nakon javnog oglašavanja i provedene licitacije.“.

U tački b) briše se tekst „Administrativno- tehničke poslove vezane za javno oglašavanje, provođenje licitacije, pripremanje odobrenja kao i naplatu korištenja javnih površina vrši Služba za upravu poljoprivrede, vodoprivrede i komunalnih poslova.“

Dosadašnja tačka b) postaje tačka c).

Iza stava (1) dodaje se novi stav (2) koji glasi: „(2) Administrativno- tehničke poslove vezane za javno oglašavanje, provođenja licitacije, pripremanja odobrenja kao i naplatu korištenja javnih površina vrši Služba za upravu poljoprivrede, vodoprivrede i komunalnih poslova.“

Član 3.

U članu 10. iza stava (1) dodaje se novi stav (2) koji glasi: „Ukupna naknada za korištenje javne površine se može uplatiti kvartalno, u 4 jednaka dijela, ali odobrenje za korištenje javne površine ne može se izdati prije nego što podnosilac zahtjeva predloži dokaz o izvršenoj uplati za 1. kvartal, a isto prestaje važiti ako ne predloži dokaz o izvršenoj uplati za svaki naredni kvartal, unaprijed, u skladu sa ovom Odlukom“.

Dosadašnji stavovi (2) i (3) postaju stavovi (3) i (4).

Član 4.

U članu 11. iza stava (3) dodaje se stav (4) koji glasi: „Odobrenje za privremeno zauzimanje javne površine radi prodaje bostana i sezonskog voća i povrća izdaje se na period od 01. marta do 30. novembra”.

Član 5.

U članu 12. stav (3) mijenja se i glasi: „(3) Izuzetno od prethodnog stava, odobrenja za zauzimanje javnih površina zbog postavljanja kioska iz člana 5. stav (1) tačka a) i javnih satova sa reklamom iz tačke e) izdaju se na period do 5 godina”.

Član 6.

U članu 17. stav (1) tačka b) iza riječi „bostana” stavlja se zarez i dodaju riječi „sezonskog voća i povrća”.

Član 7.

U članu 19. stav (1) iza riječi „djelatnosti” dodaju se riječi „i sata sa reklamom”, te ostatak teksta ostaje nepromijenjen.

Stav (2) mijenja se i glasi: „(2) Mjesečna naknada za postavljanje sata sa reklamom iznosi 15.00 KM mjesečno”.

Iza stava (2) dodaje se novi stav (3) koji glasi: „(3) Naknade predstavljaju početnu naknadu prilikom dodjele lokacije za postavljanje kioska ili sata sa reklamom putem javnog oglasa - licitacije. U slučaju postavljanja sata sa reklamom, ne vrši se posebna naplata naknade za postavljanje reklame”.

Član 8.

Ova Odluka stupa na snagu prvog naredog dana od dana objavljivanja u “Službenom glasniku Općine Zavidovići”.

**ZAMJENIK PREDSDJEDAVAJUĆEG
OPĆINSKOG VIJEĆA**

(M.P.)

Nermin Halilčević, profesor, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-23-1229/19-AP-5
Datum: 29.05.2019. godine

Na osnovu člana 6. Zakona o građevinskom zemljištu ("Službene novine Federacije Bosne i Hercegovine", broj: 25/03), i člana 25. stav (1) tačka 10. Statuta Općine Zavidovići ("Službeni glasnik Općine Zavidovići", broj: 5/2008 i 5/a/2008), Općinsko vijeće Zavidovići na 35. sjednici održanoj dana 29.05.2019. godine, donijelo je

ODLUKU

o izmjenama i dopunama Odluke o zauzimanju javnih površina

Član 1.

U članu 11. stav (4) Odluke o zauzimanju javnih površina ("Službeni glasnik Općine Zavidovići", broj: 8/2017 i 4/2018) koji glasi: „Odobrenje za privremeno zauzimanje javne površine radi prodaje bostana i sezonskog voća i povrća izdaje se na period od 01. marta do 30. novembra“, briše se.

Član 2.

U članu 12. stav (3) mijenja se i glasi: „(3) Izuzetno od prethodnog stava, odobrenja za zauzimanje javnih površina zbog postavljanja kioska iz člana 5. stav (1) tačka a), za prodaju bostana, sezonskog voća i povrća tačka h) i javnih satova sa reklamom iz tačke e), izdaju se na period do 5 godina“.

Član 3.

U članu 17. stav (1). tačka b) koji glasi: "c) za sezonsko zauzimanje javne površine za prodaju bostana i sezonskog voća i povrća određuje se početna naknada koja se plaća mjesečno u iznosu od 100,00 KM i to na prodajnu površinu do 50 m²", briše se.

Član 4.

Iza člana 23. dodaje se član 23.a koji glasi:

(1) Za zauzimanje javne površine u svrhu prodaje bostana, sezonskog voća i povrća određuje se mjesečna naknada kako slijedi:

- | | |
|-------------------------------|-------------------------------|
| a) naknada za I zonu iznosi | 7.00 KM po 1 m ² , |
| b) naknada za II zonu iznosi | 6.00 KM po 1 m ² , |
| c) naknada za III zonu iznosi | 5.00 KM po 1 m ² , |
| d) naknada za IV zonu iznosi | 4.00 KM po 1 m ² , |
| e) naknada za V zonu iznosi | 3.00 KM po 1 m ² , |
| f) naknada za VI zonu iznosi | 2.00 KM po 1 m ² . |

(2) Naknada iz prethodnog stava predstavlja početnu naknadu prilikom dodjele lokacije za prodaju bostana, sezonskog voća i povrća putem javnog oglasa - licitacije.

Član 5.

Nakon proteka perioda od pet godine ili ako se ukaže potreba za oslobađanje predmetne javne površine i prije isteka navedenog roka radi potrebe Općine, korisnik javne površine je dužan postavljenu objekat ukloniti o svom trošku, bez prava na naknadu.

Član 6.

Ova Odluka stupa na snagu prvog naredog dana od dana objavljivanja u "Službenom glasniku Općine Zavidovići".

PREDSJEDAVAJUĆI
OPĆINSKOG VIJEĆA

(M.P.)

Redžo Seferović, s.r.



Komisija za Statut i propise

Broj: 01-19-2949/22-AP-2

Datum: 21.11.2022. godine

Na osnovu člana 13. 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 33. i 44. Poslovnika o radu Gradskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 – isp., 9/14, 8/18, 8/19 i 4/21) i („Službeni glasnik Grada Zavidovići“, broj: 4/22 i 5/22), Komisija za Statut i propise na 12. sjednici održanoj dana 21.11.2022. godine, razmatrala je Prijedlog Odluke o izmjenama i dopunama Odluke o zauzimanju javnih površina, pa nakon rasprave donijela

ZAKLJUČAK

1. Komisija za Statut i propise smatra da je Prijedlog Odluke o izmjenama i dopunama Odluke o zauzimanju javnih površina, u skladu sa članom 6. Zakona o građevinskom zemljištu.

2. Komisija za Statut i propise smatra da prilikom izrade Prijedlog Odluke o izmjenama i dopunama Odluke o zauzimanju javnih površina, unesen tekst osnovne Odluke, bez izmjena i dopuna iz 4/2018 i 6/2019, te se sugeriše ovlaštenom predlagачu da se iste unesu u navedeni tekst, a što bi bilo u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08).

Komisija za Statut i propise smatra da je član 2., 3. i 4. Prijedloga Odluke o izmjenama i dopunama Odluke o zauzimanju javnih površina u koliziji sa članom 10. stav 1. i članom 15. Odluke o zauzimanju javnih površina („Službeni glasnik Općine Zavidovići“, broj: 8/2017, 4/2018 i 6/2019).

3. Komisija za Statut i propise predlaže Gradskom vijeću da se predmetna odluka razmatra u Naertu.


4. Prijedlog Odluke o izmjenama i dopunama Odluke o zauzimanju javnih površina, dostavlja se predsjedavajućem radi uvrštavanja u dnevni red sjednice Gradskog vijeća.

5. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Arnes Sinanović, dipl. pravnik





**Komisija za budžet, finansije i
ekonomska pitanja**

Broj: 01-19-2949/22-AP-3

Datum: 21.11.2022. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 45. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 – isp., 9/14, 8/18, 8/19 i 4/21) i („Službeni glasnik Grada Zavidovići“, broj: 4/22 i 5/22), Komisija za budžet, finansije i ekonomska pitanja na 9. sjednici održanoj dana 21.11.2022. godine, razmatrala je Prijedlog Odluke o izmjenama i dopunama Odluke o zauzimanju javnih površina, pa nakon rasprave donijela

ZAKLJUČAK

1. Komisija za budžet, finansije i ekonomska pitanja prihvata Prijedlog Odluke o izmjenama i dopunama Odluke o zauzimanju javnih površina.

2. Komisija za budžet, finansije i ekonomska pitanja imajući u vidu da usvajanje predložene Odluke ima za posljedicu umanjenje prihoda u budžetu Grada Zavidovići za 2023. godinu na prihodovnoj strani konto 722461 - naknada za zauzimanje javnih površina predložena u Nacrtu Budžeta za 2023. godinu, u iznosu od 43.000,00 KM, mora korigovati u skladu sa predloženim izmjenama, obzirom da se ovaj ukupan prihod koristi kao dio izdataka za održavanje javnih površina.

3. Prijedlog Odluke o izmjenama i dopunama Odluke o zauzimanju javnih površina dostavlja se predsjedavajućem radi uvrštavanja u dnevni red sjednice Gradskog vijeća.

4. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Amir Alić, magistar matematike i informatike



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za prostorno planiranje,
uređenje i ekologiju**

Broj: 01-19-2949/22-AP-4

Datum: 21.11.2022. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 33. i 49. Poslovnika o radu Gradskog vijeća Zavidovići („Službeni glasnik Općine Zavidovići“, broj: 7/14 - prečišćeni tekst, 8/14-isp., 9/14, 8/18, 8/19 i 4/21) i („Službeni glasnik Grada Zavidovići“, broj: 4/22 i 5/22), Komisija za prostorno planiranje, uređenje i ekologiju na 5. sjednici održanoj 21.11.2022. godine, razmatrala je Prijedlog Odluke o izmjenama i dopunama Odluke o zauzimanju javnih površina, pa nakon rasprave donijela

ZAKLJUČAK

1. Komisija za prostorno planiranje, uređenje i ekologiju prihvata Prijedlog Odluke o izmjenama i dopunama Odluke o zauzimanju javnih površina.
2. Prijedlog Odluke o izmjenama i dopunama Odluke o zauzimanju javnih površina, dostavlja se predsjedavajućem radi uvrštavanja u dnevni red sjednice Gradskog vijeća.
3. O realizaciji ovog zaključka starat će se Stručna služba Gradskog vijeća.

PREDSJEDNIK KOMISIJE

Sead Salkičević, Bsc. Hortikulture dipl. ing. šumarstva

